

Mensahe 3

Ang Kasinatian ni Job sa Pag-ut-ot ug Paghukas sa Dios sa Daang Tugon Layo ra Kaayo sa Kasinatian ni Pablo sa Bag-ong Tugon

Basahong Kasulatan: Job 3:1; 2 Cor. 4:10-12, 16-18; Fil. 1:19-25; 4:4

- I. Nadisturbo, naglibog, ug nalikosan pag-ayo si Job sa pag-antos niya sa mga katalagman nga nidangat sa iyang katigayonan ug sa iyang mga anak ug sa hampak nga naa sa iyang lawas, bisan pa sa iyang pagkahingpit, katul-id, ug kaligdong:**
- A. Sa gitunglo ni Job ang adlaw nga iyang natawhan, nga sama ra nga gitunglo niya ang iyang inahan, dili gyod siya hingpit ug tul-id, o gimintinar ba niya ang iyang kaligdong; nawad-an hinuon siya sa iyang kaligdong—Job 3:1.
- B. Tuyo sa Dios nga pukanon ang natural nga Job diha sa iyang pagkahingpit ug katul-id aron matukod Niya ang nabag-o na nga Job diha sa kinaiya ug mga kaayo sa Dios, aron himoon siyang tawo sa Dios, nga naumolan og Dios sumala sa Iyang pamatigayon; ang ingon niana nga tawo (sama ni Pablo) dili gyod malikosan sa bisan unsang mga kasamok ug mga problema aron tunglohon niya ang iyang natawhan ug palabihon nga mamatay imbis mabuhi—Fil. 1:19-25; 4:5-9.
- C. Naghandom gihapon si Job sa maayo kaayong nangagi niya ug nanghupaw sa makaluluoyng kasamtangang kahimtang niya (Job 29:1—30:31); gikuptan niya pag-ayo, ug gipasigarbo man ngani, ang iyang katul-id, pagkamatarong, kaligdong, ug pagkahingpit (27:1-7; 31:1-40):
1. Apan gibansay ni Pablo nga kalimtan ang mga butang nga nangagi aron mabatonan niya ang kasamtangang “Cristo karong adlaw” sa kinahingpitan gyod—Fil. 3:8, 13-14.
 2. Labot pa, dili tawo sa kagahapon si Pablo kondili tawo karong adlaw (Heb. 3:7-8, 15; Sal. 95:7-8); dili gyod ta maghunahuna sa umalabot ug dili molingi sa nangagi; mga tawo ta karong adlaw (Mat. 6:11, 33-34; Luc. 19:9-10; 23:43).
 3. Ang Cristo nga atong gihigugma mao ang Cristo karon, ang Cristo karong adlaw, ug ang Cristo nga naa sa trono sa mga langit, nga maoy atong adlaw-adlawng kaluwasan ug matag-gutlong sangkap, nga nagsustener nato aron makakinabuhi ta sa langitnong kinabuhi dinhi sa yuta—Mat. 28:20; 1 Ped. 1:8; Heb. 8:2; 4:14-15; 7:26; 2 Cor. 6:2; Rom. 5:10.
 4. Sa hingpit na tang mahimong Bag-ong Jerusalem, naa tay karong adlaw kay ang matag adlaw sa eternidad karong adlaw man; ang adlaw nato karong adlaw ra, dili ugma.
- D. Pinaagi sa walo ka higayon nga pagpamulong ni Job sa iyang tulo ka higala, gibutyag niya ang iyang kaugalingon nga tawong naa ning mga kinaiyaha:
1. Nagmatarong-sa-kaugalingon si Job (Job 6:30; 9:20; 27:5-6; 32:1); nangitngitan siya tungod sa kalamposan ug mga nakab-ot sa natural niyang pagkamao, natagbaw sa iyang gidangatan, apan wala siya makamatikod sa makaluluoyng sitwasyon niya atubangan sa Dios (itandi sa Fil. 3:9; Bug. 3:17-18).

2. Niila si Job sa Dios sa ngalan apan wala sa realidad; wala siya masuropi sa Dios, mapuno sa Dios, ug masagol sa Dios aron mausa sa Dios—Sal. 92:10; Lev. 2:4-5; Rom. 8:16; 2 Tim. 4:22; 1 Cor. 6:17; Efe. 3:19; 5:18, 26; Heb. 2:10-11.
 3. Walay nabatonan si Job nga bisan unsang elemento nga nagpakitag mga aspeto ug kinaiya sa Bag-ong Jerusalem nga organismo sa Dios aron magkinabuhi sa Dios ug magpadayag sa Dios sa eternidad; sukwahi niini, gisulat diha sa mga mananaog ang ngalan sa Dios, ang ngalan sa Bag-ong Jerusalem, ug ang ngalan sa Ginoo, nga nagpakita nga naumol na tanan nganha sa mananaog ang pagkamao sa Dios, ang kinaiya sa Bag-ong Jerusalem, ug ang persona sa Ginoo—Bug. 3:12.
- E. Wala mahibalo si Job o ang iyang mga higala ba sa tuyo sa Dios sa pagtagad Niya kaniya, ingon sa gipahayag ni apostol Pablo sa mga magtutuo sa Bag-ong Tugon nga ang kasakit nga giantos sa mga magtutuo nagbuhat alang nila og walay kataposang gibug-aton sa himaya, nga mao ang Dios sa himaya nga mahimong mahimayaong pahat nila nga mabatonan ug mapahimuslan nila hangtod sa eternidad—2 Cor. 4:17.
- F. Kon nigugol pag panahon si Job ug ang iyang mga higala nga magtinguha sa Dios diha sa espiritu sa pagkamapaubsanon ug sa paggamit sa ilang espiritu sa pagampo (Isa. 57:15; 66:2; Col. 4:2), ipakita unta sa Dios kanila nga ang gipanganak pag-usab, natransporma, ug nahimayang balaan diha ni Cristo wala gyoy labot sa natural nga tawo ug dili na magtukod pa sa iyang kaugalingon ginamit ang natural nga maayong kagawian.
- G. Magluwas unta nila kining langitnong panan-awon sa nag-usik-sa-panahon, nagdugang-sa-kasakit, ug kawang nga mga lantugi sa katloag lima ka capitulo isip rekord sa grupo sa mga tawong buta nga nagkarapkarap sa kangitngit; namulong sila kalabot sa Dios ug naghisgot sab sa ilang espiritu (Job 32:8), apan gigamit nila ang ilang salabotan sa tulo ka hugna sa tag-as nga mga lantugi imbis mogamit sa ilang espiritu aron magampo alang ni Job ug magambitay aron makatandog silang tanan sa Dios ug makadawat sa Dios nga ilang kinabuhi, kahayag, ug espirituhanong sangkap:
1. Kon gusto ta nga dunay lagsik nga mga grupo, kinahanglan mapasidan-an ta ning mga pagsultianay sa basahon sa Job; naghatag natog negatibong sanglitanan ang grupong makita nato sa basahon sa Job; dili gyod unta ingon niini ang atong tigom sa grupo diha sa iglesihanong kinabuhi karon; ang unang buhaton nato sa magtigom ta mao ang paggamit sa atong espiritu aron moampo; mga grupo sa lagsik nga pagampo ang lagsik nga mga grupo—itandi sa Buh. 12:5, 11-12; Heb. 10:24-25; 3:13.
 2. Lagsik ang mga grupo ning duha ka espiritu—lagsik diha sa atong tawhanong espiritu ug lagsik diha sa diosnong Espiritu sa Dios; ang Cristohanong kinabuhi kinabuhi man sa nahingpit nga Espiritu nga kahingpitan sa Tulo-usang Dios nga nagpuyo ug nasagol sa atong espiritu nga gipanganak pag-usab aron ma-usa ka espiritu—Juan 4:24; Rom. 8:16; 1 Cor. 6:17; Gal. 3:14; 6:18.
 3. Kat-onan gyod nato nga motandog sa diosnong Espiritu nga naa sa atong espiritu; kini ang tiunayng kahulogan sa Cristohanong kinabuhi ug buhat; kini ang lihok sa Dios diha sa tawo ug ang lihok sa tawo diha sa Dios aron matuman ang Iyang pamatigayon, Iyang plano, nga ipaambit ang Iyang Kaugalingon diha ni Cristo nga Espiritu nganha sa tawo aron matukod ang Iyang Lawas ug maandam ang Iyang pangasaw-onon nga maghingpit sa Bag-ong Jerusalem—2 Cor. 2:13; Fil. 3:3; Rom. 1:9.
 4. Gihatagag gibug-aton ni Pablo sa basahon sa Roma nga bisan unsa ta (2:29; 8:5-6, 9), bisan unsay naa nato (vv. 10, 16), ug bisan unsay gibuhath nato

ngadto sa Dios (1:9; 7:6; 8:4; 12:11) naa gyod sa atong espiritu; hingpiton ug tukoron gyod ta nga mahimong mga tawo nga naa sa espiritu; walay laing paagi nga mahimo tang maghihigugma sa Dios, matinguhaon ni Cristo, o mananaog ba kondili maanaa ra sa espiritu (Bug. 1:10; 4:2; 17:3; 21:10).

II. Ang kasinatian ni Job sa pag-ut-ot ug paghukas sa Dios sa Daang Tugon layo ra kaayo sa kasinatian ni Pablo sa Bag-ong Tugon—1 Tim. 1:16:

- A. Ang pag-ut-ot sa Dios paghurot man kanato, ug ang paghukas sa Dios pagpukan ug pagkuha man sa kinatibuk-an sa natural nga kaligdong nato—ang natural nga pagkahingpit ug katul-id sa atong karakter—nga nakapuli sa pagkinabuhi nato ni Cristo aron mapadayag Siya—Fil. 1:19-20; 3:4-9a.
- B. Matag adlaw ug matag takna, wala malipay nga giut-ot si Job, apan sa Bag-ong Tugon, nahimo nang makapahimuot nga mga butang ang pag-ut-ot ug paghukas sa Dios; sukad sa adlaw nga nakambiyo si Pablo, tawo siya nga naa sa pag-ut-ot ug paghukas sa Dios isip binilanggo diha sa Ginoo, apan napuno siya sa kalipay ug pagsadya—Buh. 9:15-16; 2 Cor. 4:16; Fil. 1:19-21a; Efe. 3:1; 4:1; Fil. 1:4, 18, 25; 2:2, 17-18, 28-29; 3:1; 4:1, 4.
- C. Gilansang sa krus si Pablo uban ni Cristo; ang ipanganak pag-usab pinaagi sa pagtapos ug pagpagitib kana mang ipanganak pag-usab nga gilansang sa krus (Juan 3:5; Rom. 6:4; Col. 2:12); sama ni Pablo, gipanganak ta pag-usab nga gilansang sa krus sa tuyo nga sukad nianang taknaa dili na kita ang mabuhi kondili si Cristo na ang mabuhi sa sulod nato (Gal. 2:20).
- D. Sa atong Cristohanong kinabuhi karon namatay ta aron mabuhi (v. 20; 1 Cor. 15:31, 36; Juan 12:24; 2 Cor. 4:11); ang mamatay aron mabuhi maoy hustong kahulogan sa pagpas-an sa krus (Mat. 16:24-26; *Mga Alawiton*, #622).
- E. Sa pagsinati ni Pablo sa pag-ut-ot ug paghukas sa Dios, wala siya mapugngi sa mga pagduot sa tanang bahin ug wala mamatay bisag gitumba; wala tungloha ni Pablo ang adlawng natawhan niya, ug wala siya moingon nga palabihon niyang mamatay kaysa mabuhi; human sa daghang pagpamalandong, niingon hinuon si Pablo nga palabihon gihapon niyang mabuhi alang sa pag-uswag sa mga balaan (sa pagtubo nila sa kinabuhi) ug sa ilang kalipay sa pagtuo (sa pagpahimulos nila ni Cristo)—2 Cor. 1:8-9; Gal. 2:20; Fil. 1:21-25.
- F. Sa nag-antos si Pablo sa kasakitan tungod ug alang ni Cristo (2 Cor. 12:10), nahimuot siya pag-ayo, nalipay, ug nagsadya man ngani diha sa Ginoo sa iyang mga kasinatian (Col. 1:24; Fil. 3:17-18).
- G. Gustong makaila si Pablo ni Cristo, sa gahom sa Iyang pagkabanhaw, ug sa pagpakig-ambit sa Iyang mga pag-antos aron mapahiuyon sa Iyang kamatayon (3:10); gihimo niyang hulmahan sa iyang kinabuhi ang kamatayon ni Cristo, ug gikahimuot pag-ayo niya nga mahulma sa Iyang kamatayon.
- H. Gipadako ni Pablo si Cristo sa pagkinabuhi Kaniya, pinaagi ba sa kinabuhi o sa kamatayon, pinaagi sa madagayaong sangkap sa Espiritu ni Jesucristo; sa paglalang sa Dios sa tawo, kini ang kinabuhing gusto Niyang ikinabuhi sa tawo—1:19-21a; Gen. 1:26.
- I. Niingon si Pablo nga kanunay niyang gidala sa lawas ang pagpatay kang Jesus ug gitugyan siya ngadto sa kamatayon tungod ug alang ni Jesus aron mapadayag ang kinabuhi ni Jesus diha sa iyang unod nga may kamatayon; kon naa ta sa pagpatay sa kamatayon sa Ginoo, ikapaambit ngadto sa uban pinaagi nato ang Iyang kinabuhi sa pagkabanhaw—2 Cor. 4:10-12:
 - 1. Ang pagpatay kang Jesus diha sa atong palibot nibulig sa Espiritung nag-puyo-sa-sulod aron patyon ang natural nga tawo nato (ang atong tawo sa

gawas), nga naglangkob sa atong lawas ug kalag; samtang giut-ot ang atong tawo sa gawas sa nagpatay nga buhat sa kamatayon, gibag-o ang atong tawo sa sulod adlaw-adlaw pinaagi sa lunhawng sangkap sa kinabuhi sa pagkabanhaw—v. 16.

2. Niingon si Pablo nga namatay siya adlaw-adlaw (1 Cor. 15:31); adlaw-adlaw naa siya sa kakuyaw nga mamatay, nag-atubang sa kamatayon, ug namatay sa kaugalingon (2 Cor. 11:23; 4:11; 1:8-9; Rom. 8:36).
 3. Ang pag-aplikar sa kamatayon ni Cristo ug ang pagkaepektibo niini naa sa nasagol nga Espiritu, nga nagpuyo sa atong espiritu aron ipaambit ang kamatayon ni Cristo ug ang pagkaepektibo niini gikan sa atong espiritu nganha sa atong kalag ug bisan ngani sa atong lawas nga may kamatayon—Exo. 30:22-25; Rom. 8:6, 9-11.
 4. Kining pagpaambit mao ang pagdihog (1 Juan 2:20, 27), ug ang pagdihog mao ang paglihok sa Espiritung nagpuyo-sa-sulod; magpalihok sa Espiritung nagpuyo-sa-sulod ang atong pag-ampo, ug sulod ning paglihoka, naay makapatayng gahom.
- J. Sa pagsinati ni Pablo sa pag-ut-ot ug paghukas sa Dios, niingon siya nga ang gaan nga kasakit nato nga daklit lang labi pa gyong nagbuhat alang nato og walay kataposang gibug-aton sa himaya; sukwahi sa *daklit lang ang walay kataposan*, sukwahi sa *gaan ang gibug-aton*, ug sukwahi sa *kasakit ang himaya*—2 Cor. 4:16-17; Rom. 8:28-29.
- K. Giisip ni Job nga bug-at kaayo ang pag-antos niya sa kasakit, apan giisip ni Pablo nga daklit lang ug gaan ang iyang kasakit; imbis magtagad sa atong kasakit, magtagad gyod ta sa pagtubo sa Dios nga gibug-aton sa himaya sa sulod nato sa pagkatransporma nato gikan sa usa ka ang-ang sa himaya ngadto sa laing ang-ang sa himaya; basta madugangan tag Dios sa sulod nato, kini maoy mahinungdanon—Buh. 7:2; 2 Cor. 3:18; Col. 2:19:
1. Sama ni Pablo, naa ta sa palibot sa pag-antos ug pagduot nga nagbuhat uban sa Espiritu aron patyon ang atong natural nga tawo; mobulig gyod ta sa Espiritung nagpuyo-sa-sulod ug dawaton ang palibot sa gawas sa atong espiritu, kalag, ug lawas, kay wala man ta magtagad sa mga butang sa temporaryong kasakit nga makita kondili sa mga butang sa walay kataposang himaya nga dili makita—Fil. 1:19-20; 2 Cor. 4:18; Heb. 11:1, 27; 2 Cor. 5:7.
 2. Gamiton gyod nato ang atong espiritu aron magkalipay diha sa nagpatay nga palibot nato (Fil. 4:4); nagbuhat ang pagkamagbubuot sa Ginoo sa pagbutang kanato diha sa pagpatay sa kamatayon ni Cristo aron mapadayag ang Iyang kinabuhi diha sa atong lawas sa pagbag-o sa atong tawo sa sulod aron himoon tang sama kabag-o sa Bag-ong Jerusalem (2 Cor. 4:10-12, 16; 5:17; Gal. 6:15; Bug. 21:2, 5, 10).